

Жумани қолдирманг!



09:04 / 11.02.2022 2605

Биз мусулмонлар беш вақт намозимизни масжидда адо этсак, кун давомида беш марта бир маҳаллада яшайдиган диндошларимиз билан кўришамиз. Жумъа куни Жумъа намозига чиққанимизда, масжид атрофидаги кўплаб маҳаллаларда истиқомат қилувчи диндошларимиз билан учрашамиз. Рамазон ва Қурбон ҳайити куни ҳайит намозини адо этишга масжидга чиққанимизда, масжидга яқин кўплаб маҳаллаларда яшайдиган диндошларимиз билан кўришиб, байрам шукуҳини улашамиз. Аллоҳ таоло насиб этиб, Ҳаж-умрага борсак, бутун дунёдан ташриф буюрган диндошларимиз билан дийдорлашамиз.

Савдо ва бошқа ишларимизни тўхтатиб, ҳафталик байрамимиз бўлган Жумъа кундаги Жумъа намозига чиқишимиз керак, уни қолдирмасликка уринмоғимиз даркор.

Аллоҳ таоло Қуръони Каримда шундай марҳамат қилган:

رَكَدَا لِيَا اَوْغَسَا فَاغْمُجَلَا مَوِي نَمِةَالصَّلَايَدُون اِذَا اُونَمَا نِي دَالَا هَايَا اِي
تَيَضُّق اِذَا فَنَوْمَلَعَت مُتُنُك ن اِمُكَل رِيح مُكَلُذ اَغْيَبَلَا اُورَدَوَلَلَا
هَلَلَا اُورُكُذَاوَلَلَا لَصَف نَم اُغْتَبَاوَصَرَّالَا ي ف اُورَشَت نَا ف هُةَالصَّلَا
نُوحَلْفَت مُكَلَلَعَل اَرِي تَك

«Эй иймон келтирганлар! Жума кундаги намозга чорланган пайтда Аллоҳнинг зикрига шошилинг ва савдони қўйинг. Агар билсангиз, ана шу ўзингиз учун яхшидир. Бас, намоз тугаганидан сўнг ер юзи бўйлаб тарқалинг ва Аллоҳнинг фазлидан талаб қилинг ҳамда Аллоҳни кўп зикр қилинг. Шоядки, зафар топсангиз» (Жумуъа сураси, 9-10-оятлар)

Улуғ тобеинлардан Ирок ибн Молик раҳимаҳуллоҳ Жумъа намозини ўқиб бўлсалар, ташқарига қараб юрар ва масжид эшиги олдида тўхтаб,

**يٰۤاَيُّهَا اِمَامُكَ تَرَشْتَنَا وَاُوٰ , كَتَضِيْرَفِ تِيْلِصَو , كَتَوَعْدِ تَبْحٰ اِيْنِ اِمْلَل
نِيْقَزَارِلَا رِيْخِ تَنَاو , كَلِصَفِ نَمِيْنِ قَزْرَا**

«Эй Аллоҳ, албатта, мен даъватингга ижобат қилдим, фарзингни ўқидим ва буюрганингдек тарқалдим. Мени Ўз фазлингдан ризқлантиргин, албатта, Сен энг яхши Ризқ берувчисан» деб дуо қилар эдилар. Ибн Абу Ҳотим раҳимаҳуллоҳ ривоят қилганлар.

Баъзи салафи солиҳлардан мана бу ривоят келган: «Ким Жумъа кунини (Жумъа) намозидан сўнг олди-сотди қилса, Аллоҳ таолонинг **«Бас, намоз тугаганидан сўнг ер юзи бўйлаб тарқалинг ва Аллоҳнинг фазлидан талаб қилинг»** деган оятига биноан Аллоҳ таоло унга етмиш марта (кўпроқ) барака беради».

Жумъа кунини масжидда, кўчада, гилам, шолча устида Жумъа намозини ўқиётганлар бир кун келиб вафот этишади.

Намоз ўқимаётган ва маҳсулотини сотиш учун мусулмонларнинг Намоз ўқиб бўлишларини кутаётганлар ҳам вафот этишади.

Ўшанда Жумъани ўқиганлар ҳам, ўқимаганлар ҳам тупроқ остида бўлишади.

Ҳаммамиз дунёда қилган ишларимизнинг оқибатини, мукофот ёки жазосини кўрамиз.

Тирикчиликни тўхтатиб, Жумъани адо этганлар шу пайтгача очликдан ўлмадилар ва Аллоҳ таоло хоҳласа, бундан кейин ҳам ўлмайдилар.

Шу кунгача тижоратни, молни деб Жумъани адо этмаганлар қабрларига топган дунёларини олиб кетмадилар ва Аллоҳ таоло хоҳласа, бундан кейин ҳам олиб кетмайдилар.

Намоз ўқиганларнинг ҳам, ўқимаганларнинг ҳам дунёлари кетиб, қабрларида фақат амаллари қолди.

Бугун Намоз ўқиётганларнинг ҳам, ўқимаётганларнинг ҳам дунёлари кетиб, Аллоҳ таоло хоҳласа, қабрларида фақат амаллари қолди.

Эй Роббим, барчамизни бирорта намозни ҳам қолдирмасдан, барчасини ўз вақтида масжидда жамоат билан адо этадиган бандаларингдан қилгин, барчамизни Ўзингнинг ҳидоятингдан айирмагин ва хотимамизни чиройли қилгин!

Содақотун жория маълумоти асосида

Нозимжон Ҳошимжон тайёрлади